



Claudii Fleurii Abbatis Historia Ecclesiastica

Ab anno Christi 1589. usque ad annum 1595 - Una Cum Criticis R.P.
Honorati A S. Maria Carmel. Discalc. Observationibus In Historiam
Ecclesiasticam Abbatis Fleurii

Fleury, Claude

August. Vind. [u.a.], 1772

VD18 90118669

§. 77. Libellus supplex a tertia hac factione pro sollicitanda Regis
conversione editus.

[urn:nbn:de:hbz:466:1-67252](#)

§. LXXVII.

Sæcul. XVI.

A.C.1591.

*Libellus supplex a tertia hac factione
pro sollicitanda Regis conver-
sione editus.*

Postmodum tertia hæc factio scriptum *Tin. l. 101.*
quoddam, incerto auctore, veluti *Davil. l. 12.*
libellum supplicem divulgabat, in quo
Rex rogabatur, ut ad pacificandum re-
gnum, quod religionis caussa turba-
tur, sectariorum errorem mature eju-
raret, & Majorum Religioni nomen da-
ret: simul autem minitabantur, alioqui
fore, ut plerique, qui ejus caussa n ut
legitimi hæredis ea spe hucusque omni
ope, & favore complexi sunt, ab illius
partibus procul dubio discederent, &
nova consilia caperent.

Ceterum hoc scriptum cum ingenti
moderatione erat conceptum, ac Regi
disertis verbis exponebatur, unicam
hujus libelli mentem esse, ut Rex pro-
priæ suæ saluti, regnique, cuius legi-
timus hæres esset, conservationi inten-
sus esse velit: porro hoc scriptum An-
degavi typis impressum e calamo pro-
fluxerat Cardinalis Borbonii, qui mini-
sterio utebatur cujusdam nomine Tu-
chardi, qui olim Borbonii Mo-
derator vir stolidè ambitiosus, au-
licarumque artium peritissimus erat,
hic vero rursus utebatur opera Davidis

I 5

Per-

Sæcul. XVI. Perronii adolescentis ingenii felicitate,
A.C. 1591. & Philosophiae, ac Theologiae eminentia clarissimi, cuius fama postea sub nomine Cardinalis Perronii longe, lateque diffundebatur, nunc autem ipsomet Tuchardo sollicitante in familiam Cardinalis Borbonii adlectus erat: verum Borbonius nondum primo hoc molimine contentus, insuper Romam Scipionem Balbanum Lucensem ablegat, ut Pontificem ad ipsius partes pertraheret, eique haec exponeret: „Cum Henricus in sua haeresi contumax persistit, ab eo deficere paratus sum, quamvis hucusque semper ejus studiis addictissimus fuerim, spe concepta, ipsum ad Religionem Catholicam redditum, prout promiserat: quapropter Santitatem vestram rogo, ut Regis electioni prospicere velit: porro si is, cui ego proximus Regni haeres succedo, ob suum in haeresi obfirmatum animum sese indignum regio fastigio reddat, & patientia suorum diutius, quam par est, abutatur, neque a vere Catholicis amplius defendi possit, tunc demissus oro, ut eo excluso ordinem legitimum in successione servari, meque ad Regni solium evehi patiatur:„ verum summus Pontifex ad hoc non nisi ambiguis respondebat verbis: porro Rex hucusque tertiam hanc factionem negligere

gligere videbatur, postquam vero man- Sæcul. XVI,
A.C. 1591.
data Balbanio data fortuito intercepta
in Regis manus inciderant, tandem sua
expectatione longe magis periculosam
esse horum factionem intellexerat, un-
de ex Chivernio Cancellario, & La-
noyo, quid in hac rerum vicissitudine
agendum, sciscitatus Lanoyi, qui in
Calvini hæresi persistendum ei suade-
bat, consilium sequebatur: quapropter
datis ad Borbonium Cardinalem, cete-
rosque sui Senatus Viros literis præ-
ceperat, ut una omnes ad castra ve-
nirent, eoquod eorum ope indigeret:
interea autem omni ex parte rumor in-
fonabat, quod Pontifex proxime sup-
petias fœderatis missurus Legatum præ-
milisset, repetitis sæverissimis mandatis,
quæ jam antea Episcopo Placen-
tino injunxit. Hac fama Rex vehe-
menter perterritus, irrito licet successu,
ope in Lucemburgico Duce quære-
bat, quem eo induxerat, ut is insuper-
habito sinistro primæ epistolæ successu
rursus datis ad Papam literis eundem
rogaret, ut non Legatum in Franciam
decerneret, ac suppetias fœderatis desti-
natas transmittere differret.

§. LXXVIII.

*Lucemburgici Ducis epistola Regis
jussu ad Papam data.*

Erat